



Protocol

Dalla 16. radunonza generala dil Provediment d'aua Medel/Lucmagn, gievgia ils 21 da mars 2024 allas 20.00 uras ell`aula dalla scoletta a Curaglia

Tractandas:

1. Beinvegni
2. Elecziun d'in dumbravusch
3. Approbaziun dil protocol dils 23-03-2023
4. Presentaziun ed approbaziun dil quen 2023
5. Rapport dil president
6. Program da lavur 2024
7. Damonda da credit
 - Sanaziun vias Curaglia
8. Fixar las taxas d'aua per 2024
9. Elecziuns/ reelecziuns
 - Survigiladers d'aua
10. Decisiun davart la fusiun denter Provediment d'aua Medel/Lucmagn e Provediment d'aua Acla
11. Varia

Perstgisas: Corsin Flepp, Rico Bearth, Roland Venzin, Pauli Pally, Gabriel Venzin

1. Beinvegni

Il president Alfons Venzin fa a tuts presents in cordial beinvegni tier la 16avla radunonza generala dil Provediment d'aua Medel/Lucmagn.

El menziunescha che l'invitaziun cun la gliesta da tractandas seigi vegnida publicada conform als statuts dil Provediment d'aua.

Il president fa lu era gest la proposta per amplificar la gliesta da tractandas cun la tractanda 11. Revisiun parciala dil reglement da salarisaziun dil Provediment d'aua Medel/Lucmagn.

Sin la damonda per ulteriuras midadas ni amplificaziuns dalla gliesta da tractandas fa Duri Lutz la proposta da nominar candidats per las elecziuns communalas.

La gliesta da tractandas vegn amplificada cun la tractanda 12. Nominaziun da candidats per las elecziuns communalas

La gliesta da tractandas vegn approvada unanimamein dils presents.

Aschia declara il president la radunonza sco aviarta.

2. Elecziun d'in dumbrausch

Sco dumbrausch vegn Giusi Flepp proponius ed era elegius.

La radunonza dumbra ensem cun la suprastonza 14 vuschs.

3. Approbaziun dil protocol dils 23-03-2023

Il protocol dalla 15avla radunonza generala dils 23-03-2023 ei publicaus sin nossa pagina d'internet. Pertuccont il davos protocol ha negin dils presents damondas. Aschia fa il president la tscharna d'approbar il protocol aschia sco el ei publicaus. Quel vegn approbaus unanimamein.

Il president engrazia agl actuar per l'ediziun.

4. Presentaziun ed approbaziun dil quen 2023

Per la presentaziun dil quen 2023 dat il president il plaid al cassier Cédric Flepp. Cédric declara il quen, il qual ei era repertius als presents.

Igl onn 2023 ha purtau entradas da 126'829.- frs. ed expensas da 119'346.- frs.

Aschia resulta in surpli da 7'482.- frs. Il total amortisaziuns munta 76'663.- frs.

La facultad finanziaria secloma 146'702.- frs.

La hypoteca ei stada tuttina cun 480'000.- frs.

Per projects ein 850'600.- frs. activai.

La summa totala d'activas respectiv passivas munta 997'302.- frs.

Il cassier dat als presents il plaid per damondas. Cheu negin che s'annunzia.

Il quen annual dil Provediment d'aua per igl onn 2023 vegn era publicaus sin la pagina d'internet dalla vischnaunca Medel.

Il president dat il plaid al revisur da quen Martin Bearth.

Lez engrazia en emprema lingia agl anteriur cassier Pauli Pally per siu sustegn tier la scumiada dil cassier.

Allura declara el ch'il quen seigi menaus correct, tut ils mussaments seigen avon maun e fa la proposta da dar scarica al cassier cun approbar il quen 2023 sco el ei gest vegnius presentaus.

Il quen vegn approbaus unanimamein.

Al cassier in grond engraziament persunter.

5. Rapport dil president

Sco mintg'onn dat il president in cuort rapport dil schabegiau igl onn vargau.

El menziunescha che la responsabladad e las pretensiuns enviers il

Provediment d'aua creschien onn per onn ed aschia pretenda ei adina puspei remaduras ed investiziuns vid noss'infrastructura, per saver corrispunder allas perscripziuns actualas.

Igl onn 2023 ei noss'aua vegnida controllada duas ga digl uffeci per la segirezia da victualias e la sanadad d'animals. Quellas controllas han mussau che noss'aua ei da fetg buna qualidad e corrispunda a las leschas. Il rapport da quellas emprovas ei publicaus sin la pagina d'internet : www.auamedel.ch

Igl october 2023 havein stuiu adatar il pilotadi da nies system d'aua. Era havein remplazzau duas uras per mesirar il quantum d'aua che flessegia el reservuar Plaun da Muschins che funcziunavan buca pli endretg.

A Curaglia ha la vischnaunca sanau las vias Via Sumaval, Via Fravia e la Via Raveras. En connex cun quellas lavurs havein nus remplazzau tut las lingias d'aua che sesanflan sut ed en la vischinonza da quellas vias. La lingia da transport dalla Via Sumaval tochen la Via Fravia havein era remplazzau. Ils retiraders d'aua han remplazzau silmeins ils sclusadurs e las lingias d'aua sut las vias. Muort ina adataziun dalla lescha dalla polizia da fiug pertuccont la spessaglia dils hydrants havein nus saviu allontanar il hydrant odem la Via Sumaval.

Quellas lavurs vegnan subvenziunadas dalla confederaziun, dil cantun, dalla segirada da fiug cun 50% e da nossa vischnaunca cun 10%.

Sin quei tschancun havein era remplazzau dus begls, ils quals la vischnaunca ha finanziau. In grond engraziel fetg persunter.

La collaudaziun da quellas lavurs ha liug el decuors dalla primavera 2024.

A Fuorns ei la Via Fuorns vegnida sanada igl onn vargau. Cheu havein nus remplazzau tut nossas lingias d'aua. Ils retschavider d'aua han era cheu remplazzau ils sclusadurs e las lingias d'aua sut la via. Da niev ha Fuorns aunc 4 hydrants d'aua, ils quals ein accessibels cun ils vehichels da pumpiers. Era quellas lavurs ein vegnidadas subvenziunadas dalla confederaziun, cantun, segirada da fiug e la vischnaunca.

La lingia da transport da Fuorns tochen la Via Lucmagn ei vegnida remplazzada questa primavera. Quels cuosts dil sfoss savein nus parter cun la OEM.

Provediment d'aua Val Parada

Il biro d'inschignier ipz (Klarplan, Vella) ha elaborau il project definitiv. Tenor quel ei la damonda da baghegiar vegnida inoltrada tier il cantun Grischun. La lubientscha leutier havein retschiert igl atun vargau. Las lavurs ein vegnidas publicadas en treis sorts. L'avertura dallas offertas ei succedida ils 23-01-2024. Quellas lavurs vegnan surdadas proximamein.

Tochen il davos da december digl onn vargau havein dumandau 20 instituziuns per agid finanziel per nies project. Tochen ussa havein retschiert 8'000.- frs. d'ina fundaziun e beinenqual risposta negativa.

Scartezia d'aua.

Suenter entgins onns cun pauc'aua ei era igl onn 2023 staus fetg schetgs tochen la fin uost. Miez uost furnevan las fontaunas aunc tont'aua sco normalmein il meins fevrer. Dapi il settember ei quella situaziun semegliurada. Il quantum d'aua dallas fontaunas ei denton aunc adina sin in bas nivel.

Ruttadiras 2023

Plascheivlamein havein nus giu igl onn vargau neginas ruttadiras vid la reit dallas lingias.

Zonas da schurmetg S1

Las seivs entuorn las zonas S1 han las alps Pazzola e Puzetta puspei fatg. Igl onn vargau ei quei succediu avon che cargar las alps.

Suprastonza

La suprastonza ha tenu 6 sedutas igl onn vargau. Ina da quellas ensemen culs survigiladers d'aua.

Per concluder lessel engraziar a mes consuprastonts sco era al genau Corsin per la buna collaboraziun. Medemamein in engraziel fetg als survigiladers d'aua per lur engaschi. Els fan fetg buna lavur igl entir onn.

Ha enzatgi aunc damondas tier miu rapport ? Quei ei buca succediu e sco finiziun presenta il president aunc entginas fotografias da differents plazzals digl onn vargau.

6. Program da lavur 2024

Il program da lavur per igl onn 2024 ei puspei emplenius bravamein.

Sanaziun vias Curaglia

A Curaglia sanescha la vischnaunca la Via Iert la Mola e la Via Canduglias naven dalla Via Principala tochen sur la Medelina. Per il provediment d'aua munta quei da sanar tut las lingias d'aua sin quei tschancun. La lingia d'aua che va sur la casa da Franco Pally siadora vegn da niev tschentada sut la Via Canduglias. Il hidrant sur la casa da Manuel Giger vegn plazzaus da niev sur la casa da Valentin Pally. Il hidrant sur la casa da Roman Jud vegn plazzaus da niev sut la Medelina. Aschia ein tut ils hidrants contenshibels cun ils vehichels dils pumpiers ed ei basegna mo pli dus hidrants sin quei tschancun. Il hidrant sur la Medelina vegn allontanaus e buca remplazzaus pli. La lingia d'aua sut la casa da Roman Jud tochen la Via Sumaval vegn era remplazzada. Aschia ein tut las lingias d'aua sisum il vitg novas. Quellas lavurs vegnan era subvenziunadas dalla confederaziun, cantun Grischun, segirada da fiug e dalla vischnaunca cun ca.60%

Provediment d'aua Fuorns ed Acla

Il grond project ei uonn il niev Provediment d'aua per Fuorns ed Acla. L'entschatta dallas lavurs ein prevedidas il davos d'avrel. Las lavurs vegnan surdadas en treis etappas. L'emprema etappa ei dallas tschaffadas tochen il reservuar. La secunda ei il reservuar. La tiarza naven dil reservuar tochen la Via Lucmagn sut Fuorns. A Clavarut avon che l'aua entra el reservuar vegn ella turbinada. Quei ei in'investiziun per il futur. La firma Ensy cusseglia nus dad aunc inaga turbinar l'aua sut Fuorns. Aschia mattin nus in T en la lingia da pressiun per saver far quell'investiziun lu pli tard inaga. Tenor las offertas inoltradas essan ussa culs cuosts sut il preventiv. La finiziun dallas lavurs ei prevedida sin la fin d'october 2024. Pia il program ei detg optimaus. Igl aquaduct vegl da Fuorns vegn allontanaus lu in onn pli tard.

Las seivs da protecziun dallas zonas S1 sin las alps Puzetta e Pazzola vegnan eregidas dallas alps.

A Plimatta stuein era inaga puspei marcar e proteger la zona da schurmetg S1.

Il president fa la damonda als presents sche zatgi ha aunc damondas ni amplificaziuns tier il program da lavur per quest onn.

Werner Giger pren il plaid e damonda daco che la fontauna si Pas Nausch ch'ei rutta vegni buca pinada. El fa la renfatscha che quella lavur vegni adina puspei stuschada anavos ed ei fussi l'obligaziun dil Provediment d'aua da mantener quella fontauna e buca tralasar igl aquaduct da Platta. Ord quella menziun

sedat ina discussiun energica. Il president declara als presents che la suprastanza planisescha las investiziuns tenor prioritad e pusseivladads finanzialas dil Provediment d'aua. Quella fontauna rutta seigi alla suprastanza bein enconuschenta. La prioritad seigi denton pintga demai ch'igl aquaduct da Platta hagi momentan aua en abundanza. Cura che la situaziun lubescha vegni quella fontauna lu era reparada.

Autras propostas per il program da lavur dat ei neginas.

7. Damonda da credit

Sco gia menziunau el program da lavur per igl onn 2024 vegnan las vias Via Iert la Mola e la Via Canduglias sanadas. Cheu vegnan las lingias d'aua el tschancun da quellas vias remplazzadas. Plinavon vegn la lingia d'aua sut la casa da Roman Jud tochen tier la Via Sumaval remplazzada. Per quellas lavurs havein nus survegniu ina calculaziun dils cuosts da 210'000.- frs.

Negin dils presents che fa damondas tier quella summa. Aschia ch'il president fa la damonda per in credit da 210'000.- frs. per novas lingias d'aua sisum il vitg da Curaglia.

Ils presents vuschan unanimamein per quei credit.

8. Fixar las taxas per 2024

La suprastanza fa la proposta da schar las taxas d'aua vinavon sco igl onn vargau. Numnadamein : Classa d'object 1, 130.- frs. classa d'object 2, 200.- frs. Classa d'object 3, 350.- frs. e classa d'object 4, tenor pauschala.

Quellas taxas eran vegnidas alzadas la davosa ga 2021.

Il president dat liber la discussiun per damondas. Neginas.

Il president fa la damonda per laschar igl onn vegnent las taxas d'aua sco gest menziunadas.

Ils presents sustegnan unanimamein quella proposta.

9. Elecziuns/ reelecziuns

Igl onn 2024 vegnan ils survegiladers elegi/ reelegi.

Tochen oz ha suletamein Duri Lutz demissiunau siu post.

Toni Venzin, Manuel Giger e Rico Bearth stattan vinavon a disposiziun sco survegiladers da lur aquaduct.

Per Duri Lutz ei Roland Venzin sedeclaraus promps da surprendre il post da survegilader per igl aquaduct da Platta.

Il president fa la damonda per autras propostas per ils posts da survegiladers d'aua. Cheu vegnan negins auters nums proponi.

Aschia fa il president la damonda da far la tscharna per ils survegladers en globo. Quei succeda unanimamein.

In grond engraziament als elegi per lur promptadad da s'engaschar per il Provediment d'aua.

A Duri Lutz in grond engraziament per tut la buna lavur ch'el ha prestau duront sin temps da 12 onns sco surveglader d'aua.

10. Decisiun davart la fusiun denter Provediment d'aua Medel e Provediment d'aua Acla

Il president declara che dil mument che nus tschaffein l'aua dallas fontaunas si la Val Parada e meinen l'aua o Fuorns sedat ei la situaziun ch'ei prudenta da fusiunar ils dus Provediments d'aua. Ils possessurs dils objects ad Acla e Surtatschas ein vegni informai la stad vargada dalla nova situaziun. Els han lu igl atun vargau decidiu unanimamein da fusiunar lur Provediment d'aua cun il nies. Ussa tucca ei aunc a nus da decider en quella caussa. Ils possessurs dad Acla e Surtatschas daventan commembers digl aquaduct da Fuorns cun las medemas taxas ed ils medems dretgs.

Era en quella decisiun negin che giavischa il plaid.

Il president fa la damonda als presents per fusiunar nies Provediment d'aua Medel cun il Provediment d'aua Acla.

La decisiun croda unanima per ina fusiun da quels dus Provediments d'aua.

11. Revisiun parziala dil reglement da salarisaziun

Il reglement da salarisaziun actual datescha dils 01.01.2013. Las incumbensas dalla suprastanza creschan onn per onn. Principalmein la lavur dil cassier vegn adina pli cumplacada. Aschia essan sedecidi da reveder il reglement suandontamein :

Il cassier vegn indemnisaus tochen ussa cun ina pauschala da 1000.- frs. per onn. Niev vegn el indemnisaus cun 30.- frs. per ura tenor sia lavur.

Era la gascha dils survegladers vegn alzada da 25.- frs. sin 30.- frs. per ura.

Per viadis cun auto privat vegn daniev pagau 0.70 frs. per kilometer.

Quei ein las sulettas midadas vid il reglement da salarisaziun.

Il rest stat sco tochen dacheu.

Ha enzatgi damondas pertuccont quella revisiun. Neginas.

Allura fa il president la damonda per approbar il niev reglement da salarisaziun cun far las midadas gest numnadas.

Il niev reglement da salarisaziun vegn approbaus unanimamein dils presents.

12. Nominaziun da candidats per las elecziuns communalas

Per las elecziuns communalas da questa primavera ein dus candidats vacans. Quei setracta d'in per la cumissiun da quen e gestiun ed in sco supplean dall'instanza da baghegiar. Il president arva la discussiun per la nominaziun da pusseivels candidats. Ils presents numnan neginas propostas. Aschia ei quella tractanda serrada.

13. Varia

Sut varia pren il president sco emprem il plaid ed engrazia al Duri Lutz per siu grond engaschi sco surveglader digl aquaduct da Platta. El fa quei cun surdar ad el in pign present.

Silsuenter surdat el il plaid als presents per exprimer lur meini ni far damondas sut varia.

Werner Venzin sco gerau pren il plaid en num dalla suprastonza da vischnaunca. El fa endamen a nus tuts tgei grond privilegi che nus havein cun astgar guder qualitativmein fetg bun'aua che flessegia semplamein da nossas spinas. Quei vegn preziau zun fetg da nos vischins sco era da nos hosps. El vesa era las grondas investiziun che crodan els proxims onns sin il Provediment d'aua.

El admetta in compliment ed era in engraziel fetg als commembers dalla suprastonza ed era als survegladers per lur buna lavur en favur dil Provediment d'aua.

Auter negin che giavischa il plaid.

Il president envida tut ils presents da aunc star in mument e far in sitg da cumpignia suenter la radunonza.

Cun quei invit siara il president la 16avla radunonza generalala, el engrazia a tuts presents per lur preschientscha e giavischa a tuts in bien retuorn a casa.

Curaglia, ils 15-04-2024

Igl actuar :

Otmar Venzin